

四庫全書

集部

欽定四庫全書

集部

祠部集卷

三十二

詳校官庶吉士朱理

檢討臣何思鈞覆勘

總校官編修臣朱鈴

校對官編修臣高械生

謄錄監生臣朱一鳴

欽定四庫全書

祠部集卷三十

宋 強至 撰

書

樞密相公書

按璣衡而致度維斗建寅揭象魏以班常俾民觀治恭
惟樞密相公劖高盟府道濟治朝才無文武之資身繫
安危之重樞廷制勝以坐鎮於四夷宸扆仰成茲奮熙
於百度維春祺之所嚮與歲歷以咸新某職總計臺跡

疏材館徒切壽康之祝阻修謁對之儀

樞密太尉書

恭惟樞密太尉元龜先識隆棟巨材日宣九德之常坐
制五兵之本廟謀密勿已躋天下之安邦禮論思愈祕
省中之語適臨元朔翕受蕃禧某總計使臺馳誠賓廡
瞻風滋劇介壽無階

省主蔡給事書

蒼靈布序華歲闡端肇二氣之泰通資百昌之咸遂恭

惟省主給事才包王佐道貫民彝名躋日月之高學破
鬼神之奧贍中都之調度坐懋豐功渴四海之儀刑行
膺徽冊發春茲始介福攸司某蚤託下風適提外計徒
叙誠於竿牘阻馳慶於庸門

省副郭郎中書

恭惟省副郎中薦紳碩望經世偉才蚤登要路之華時
名甚盛進貳甘泉之掌風績其凝五始適臨百祥攸召
莫遑為壽第劇馳誠

省副王郎中書

恭惟省副郎中惠和秉哲通裕標才貳職大農兼正列
星之位陞華近署靡需累日之期順履王正永綏天祿
瞻祈并切鋪述奚殫

省副兵部書

恭惟省副兵部蚤紓賢業親遘聖辰進位五兵兼造財
閨之刷疇庸六典即登法從之嚴順發一元載蕃百福
莫前脩慶第切馳誠

中丞唐諫議書

恭惟中丞諫議體凝方重學貫本元危言嘗犯於雷霆
直氣欲摩於星斗一誠獻納愈爲朝論之高萬事脩明
適底臺綱之正始和戒旦茂祉對時某素被重知適膺
煩使茲阻壽觴之奉曷勝頌贊之虔

郎牧龍圖呂侍郎書

恭惟郎牧龍圖侍郎玉璜茂闕金鉉慶枝親逢聖神之
期自底功名之會文昌貴秩矧無延閣之華法從邇職

暫屈劇司之委適臨元朔益介純禧禁總計河濱馳誠
門下永言企頌曷盡敷論

判都水兼龍圖韓給事書

恭惟判監龍圖給事世推人傑道覺民靈步瑣門之榮
班直珍圖之延閣智謀有裕繫臨長於水官績用其成
行對休於天子維時開祚與國均休某久去朝聯方提
漕節莫前為壽敢後馳誠

賀新推官書

右某茲者某官茂對宸緋榮從賓惺顧短才之有望幸
婉畫之焉依方列慶音遽貽珍牘俟諧瞻揖併述欣銘

代賀監司書

伏以華歲履端蒼靈布序審璿璣而攷度揭象魏以頌
常恭以某官康濟懋勤融明廸哲入膺宸緯出領使麾
方首祚之丁辰逮屬城而蒙福永言慶忭曷任下情

答監稅李學士書

伏念向繇幸會獲除光儀鎮鞅計薄之勞絕攀臺閣之

軌封壤雖密緘勝幾稀伏帷闋掌多餘神明自復恭以
某官道先民覺才為世生由妙年而取甲科不累日而
致清貫書林擢職誠允公言利局冗寮固非久次靡容
秩滿行被詔還

代賀諸官書

伏以蒼靈布序華歲復端揭象魏以頌常審璿璣而致
度恭以某官早紓賢業茂著官能屬首祚之膺辰固自
天而集慶永言瞻頌曷究敷宣

代賀呂度支改兵部糾察在京刑獄書

伏審顯膺鴻渥榮改清郎矧辱已知倍增距躍恭以某官指紳念望當軸慶宗親會穆清之辰累更繁劇之任進憂卿之秩方啟於榮途悉君子之心以繩於庶獄併歸柄任少副輿言伏望上爲闕廷精調寢鍊

與鄉中親知書

右某啟某一塵科籍久偃鄉閭制除調官闕滿之局率繫仁庇備歷亨衢銜恩固深論感非愚旋營職之鮮暇

致拜音之後時恭惟順履新陽誕迎景福江闊千里已
遠於高賢塵土三年遂淪於俗吏未諧詔覲第極傾翹

上通判元太博知縣葉太博書

昨者久偃鄉邦屢登牆宇素昧業官之術多所乞靈每
繇清見之間未嘗無誨洵遠從於吏役俄越去於公麻
日戶鞭朴之冗囂不覺音濤之曠絕仰惟德履坐擁休
祺恭以某官道具粹醇器函剛實曲臺掌故來愜於輿
言片紙垂褒佇歸於柄任俛惟孱懦鎮託甄題伏望上

爲邦朝益綏寢諫永言瞻頌曷究指云

問候府推張都官書

自阻賢規曠馳書舍屬寒威之方厲諒時祉之載蕃伏
惟某官名重儒林學優聖域闢決都畿之政聊藉治才
延登經緯之華行膺睿選餘祈自厚少副勤瞻

代問候發運主客書

右某近者伏值駕言屬封道出賤土幸階守綏之職屢
叩賓闈之嚴使車還轅倏爾踰月官簿堆案缺然寓音

伏惟順履新陽誕迎景福幹濟多裕神明頃還恭以某
官文章世家忠諒許國不由累日之父力取顯官之榮
上知素明自結益固然外臺分寄誠鬱於具瞻而中展
須賢行聞於爰立

代上特服魏諫議書

右某自叨朝寄出領州麾月有詔條之奉行寢焉音問
之稀潤仰惟孝履脩順禮經恭以某官元精所生盛德
之後躋諫署之秘列將漕臺之重權中殊淳揚屯夷一

貰方隆帝辰之眷速遘親堂之悲頗鬱輿瞻尚淹冊拜
矧萬鍾及養足少抑於哀摧儻細札奪情可兩全於忠

孝伏望上為邦社精調寢興

代問候發運主客書

右某近日伏值出按屬部俯經賤封繇天幸之使然獲
風期之覲止去德未幾齋神諒佳鎮鞅簿書之煩純疎
竿牘之間仰跂標範第勞惄悰伏望上為邦朝精調寢

餗

代上持服魏節中書

右某邀阻朝遊鎮靡郡事曠奉聲問仰諂宴興恭以某
官才貫幾深量函夷雅親逢真聖之運早踐列星之垣
方不世以懋勲遽終天之遺戚然德雖欲報靡極於孝
思矧忠亦可移庶全於禮制

和州余郎中書

右某近列慶亟繼紓誨贖倍聆德履舉集休祺恭以某
官植操端方秉心純亮紫垣應宿早歷於清郎秀野班

春聊熙於雅俗行膺宸選少慰人言伏望上為邦朝精
調寢餽

通判太博書

右某近獲布音嗣蒙占教伏審贊行藩政坐擁天祺恭
以某官親會泰辰淳揚美仕曲臺進秩矧故事之素明
別乘亞塵猶清議之未允佞性柄任方協輿言

海州倅書

出承吏乏阻備賓榮當淮洲囂冗之衝有官簿沈迷之

慮營職亡狀貢書不時恭以某官文章世家忠諒許國副車貳政尚鬱於賢圖細札頃才行膺於帝簡

糾察呂兵部書

右某近日嘗貢貢牋膝計塵几席惟接治之多暇固尊生之有經恭以某官當軸令枝薦紳碩德早被上心之簡總詳庶獄之繁踐徃訓之哀矜莫非慎察體至仁之欽恤多所不及矧陰施之已隆諒寵廢之非晚

審刑李屯田書

鎮縻即事逖阻朝游曠敘暄涼仰諮寢味恭以某官道
先民覺氣秀入靈早頑頡於仕途尚淹延於郎署虔共
職事慎審刑章抵罪之氓賴盡心而蒙惠舞文之吏皆
束手而憚威矧治狀之有成加聰聞之甚通行甄善課
驥陟清班

代答本州都曹書

右某啟自去故棲向從遠宦豈圖謙眷特損音題恭以
某官植操端方賦才肅給勾稽一郡適藉於幹能第課

三年行膺於寵擢永言感頌曷冤指云

朱判官書

右某自把守塵曠馳書舍豈圖高誼先枉長牋伏以某
官名世標才際天蘊識泛蓮之幕夙著於能名恭梓之
邦洽聞於政迹行甄善最驟陟清途永邇傾祈曷殫崖
略

本縣孫長官書

右某啟言念自分符竹久去鄉枌蕪業一壘幸棲於仁

政順郵百舍遽損於誨音細玩載周銘藏無數矧夙凝
於治狀固上格於聰聞行迓寵陞倍祈珍攝永言感頌

曷盡文陳

代答滁州監稅李學士書

言念竊居藩守幸邁風猷如隣洪河日所蒙潤不遠數
舍缺然寓音豈意謙撫猥貽勤教暫屈才於利局行還
職於書林庶順生經以須詔召傾祈惑篆匪諭名言

代上濠州呂學士書

右某叨紓守綏密接侯封斗疎順驛之馳日企餘光之
及仰惟坐鎮俯順生經恭以某官文章冠時纓冕奕世
早躋閨籍之華貫復列書林之貴游鈴閣班條寧容於
滿歲鋒車祇召行在於匪朝

代上糾察呂兵部書

右某向縻州守遊阻朝遊雖順翼之數通顧高風之嘗
邈仰傾德宇鎮授勞襟恭以某官天鍾粹純世濟勲業
上方倚注允得民獄之平時所企瞻知為相門之後行

旌善最峻陟清途伏望上爲邦家精調寢餗

代上發運侍制主客書

右某自邈崇麾倏經累月阻奉音郵之間仰諮德宇之安恭以某官器函淳深術蘊經濟以外計浩穰之委暫掌於吏權矧中宸眷倚之隆行當於柄任

代上提刑郎中書

右某近貢音勝仰詢韻宇惟接洽之多暇固尊生之有經恭以某官親邇泰辰游揚美仕提綱庶徵絕吏手之

舞文嚴課中宸竚上心之嘉績伏望上爲邦社清調宴興

代答丁舍人書

鄙卑地要術短事繁阻奉音函遞頌教幅受而伏讀藏以爲榮仍審燕與舉臻禧福恭以某官學造聖際行為士宗親逢盛期獨映華貫然禁塗載筆曷究澤民之爲而台衮輔謀旣觀行事之效

代答秘監書

嚮領外麾遙瞻上笏豈圖恩獎首占教文伏讀以還兢
慙靡措恭以某官懿文表世亮節在庭中外淳揚明哲
一致台衡著德方渴於老成仙室需才寧容於歲滿

代上徐舍人書

伏審光奉宸縉榮持使柄伏惟慶慰國家以外臺至重
列郡攸儀澄序庶官以判白於賢否總領大計以俱億
於經常僉謀所同明哲惟允恭以某官業術精奧方格
淳脩臺閣清塗聊抑翔翔之勢金穀重寄適繫幹濟之

才行被詔音驟還柄任

上昌樂縣官書

近觀風期過承禮遇旋經違異頗極傾依到郡少間致
書差緩餘祈精畧以迓寵恩感頌之私文陳匪悉

代上省判邵金部書

伏自拜命宸廷貳權許省官簿紛委使郵絕疎曠叙暄
涼仰諸宴起恭以某官方格脩整業履該明解麾通漕
之臺遞甄最狀亞職甘泉之府允屬時才矧心計之素

明加聰聞之甚邇行疇幹濟亟陟近嚴

代謝知州書

近者祇被宸緒奉安親樞暫還素里數觀清塵備蒙主
禮之優過篤朋從之好旋違德宇適抵治封方休道路
之勤禁即有詔條之宣布傾賢惟日裁寄後時矧風績
之其凝佇恩意之不次尚遙賂對倍冀遵頤

答仇員外書

早綏下科寢階冗列備聞高誼之日久願見盛德而跡

疎近布勤惓之辭倍撻傾嚮之意兢畏大甚舛誤有之
妾指趨廷之賢謂為同籍之契陰須嚴斥絕覬好音賴
長者優容之深出小生意料之外懇諱其誨矜恕以情
置書袖中永以為佩負荆門下勢所未能恭以某官名
高士林學造聖闇平時沉俊領民籍官簿之繁疇昔著
篇極國體人事之大行膺褒陟倍保宴興感頌恆怡曷

殫崖略

代賀范天資移鎮書

某以孤生嘗棲大庇亟蒙教育之賜有警懦辱之姿尋
遭遠於帥牆鎮奔馳於吏牒繙言不文夙習幾還賴天
不棄愚賢方易鎮復幸使麾之屬適當官次之依善政
所施可日聞於矩矱短才無狀庶訖託於生成恭以某
官鉅業熙邦雄文表世出平亂略入總繁機挺金石之
純誠尊股肱之一體輒從秘殿往領臣邦已躋雅俗之
安靡俟更書之滿朝端英袞行被於登庸天下蒼生一
歸於陶冶畢宗臣之能事光信史之直書瞻頌傾依曷

殫崖略

代謝柳侍讀書

特紳公幹垂脫鈞函俯親小國之隣曲損大臣之體拜而伏讀藏以為榮恭惟臨撫善藩綏寧泰宗伏以某官民靈先覺王佐偉才以文章取甲科以忠誼結明主華要之選翹翔殆周厭預玉堂之游出領銅符之寄諸侯之府矧坐鎮之猶年上相之廷行登庸於匪日

代答劉龍圖書

近塵愚悃上浼台光豈謂損體貌之達尊錫丁寧之勤
誨惕焉拜藏賜以為榮恭以某官廸操直清秉心忠諒
公論加重主知甚明尚淹當軸之才脚寄戶京之任王
都憲萬之口翕頌政聲相階比兩之踵行膺冊拜

代上文相公書

託身播物之鈞生成有素延首翹羽之館景仰無涯日
為吏簿之榮時闕公函之奉伏惟燮調元緯集受純禧
恭以某官道著將明量函夷雅秉丹躬之一德會舜旦

之重華雲龍協期圭衆旌德丹青教化蔚為百辟之師
富壽幅員靡失一夫之所太平之業夙夜以基

代上向少卿書

伏審祇函詔音榮解使領孤危晚景違遠臣麻蒞如嬰
兒驟奪慈母最若疚馬止思故軒遯企恩暉第零感涕
承使旌之就道阻信服之祀麾叙戀莫前馳想良極恭
以某官揖紳碩德當軸慶枝輸厚利於邦家已殫幹略
暢偉謀於主袞行被寵恩

代上文相公書

用人惟薦釣宰焉依亞外諸侯之麾鎮嬰俗狀瞻大丞
相之府阻拜台光伏惟密贊萬機翕膺諸福恭以某官
清廟偉器朱絃正聲伊尹以道覺民靈山甫以職裨袞
闢結帝宸之隆眷踐公槐之絕班熙然吾氓登躋仁壽
之域致我真主拱揖勲華之隆百辟所儀四海共賴

代答呂郎中書

近者伏值某官駕言子藩道出茲土獲風期之覩止蓋

天幸之使然展奉良疎緬懷甚覩豈圖高誼先枉珍函
何其責飾之多無乃謙撫之過兼聆近履舉集龐褫班
教善藩行撢於素縕拜嘉褒詔佇陟於清塗

代答陳太博書

伏審鮮塵炎服假道淮邦惕牋候之未能遽卸音之首
及俛惟弱植嘗預同升茲天幸之使然將風期之覩止
拜塵有自引領增勞恭以某官家世名才朝閨碩彥曲
臺進秩矧故事之素明片紙垂褒諒茂思之行集併須

瞻拂以訖惄悰

代答荆南知府齊學士書

伏審茂對思函榮躋仙局伏惟慶慰竊以國家興敝秘
館延登偉才特優承學之賢乃建載言之職其應華選
允屬名儒恭惟某官學造聖微識探經奧大筆擅淵雲
之妙卓富高文當年飛終賈之聲早光上第對休辰而
遙吉揚顯仕以開榮叅計財闡茂明經盡宣風漕節多
所澄清邇升史席之華無領守塵之寄矧洞庭之樂土

惟荆渚之雄藩民物素佳江山尤勝優游郡閣足詠中和之篇陟降王塗行歸侍從之列某側聞新命竊忭寸襟惕賀牘之未馳遽誨音之首及永言感躍曷究指云

代問候海州知州書

近被臺移遠承官乏企仁候之幕下時憲恩暉供冗職於淮濡日馳俗狀門墻且邈牒牒弗時伏惟鎮撫善藩綏寧泰宇恭以某官卽垣碩德王國偉才領麾滄海之城豈容滿歲奏課甘泉之府行擢茂功

上徐州通判都官書

向者某官久偃鄉邦屢親標矩同心相得喜接高賢之遊交臂分攜鎮供冗吏之役奔走道路淹回歲時馳塵想而彌深奉幽緘而久缺豈謂弗爾遐棄而貽好音惠愛逾周雅素皆在仍審貳藩之暇益臻素履之和海近泰康已騰於輿頌繢紙迅召行陟於嚴塗

回慶成軍高郎中書

右某啟伏審紫詔承恩粉闈正位伏惟慶慰恭惟知軍

郎中才猷膚効術業脩明刺史承流方登於最狀郎官應宿遞服於華章軍壘班條連上頻年之最星垣進秩載光列省之文首貺音函第增感騰

與商州閻修撰書

右某啟審擇剛辰已班寬詔即商於之便郡脫炎服之脩塗章懷近買臣之鄉失馬誠塞翁之福而况屯夷殊致明哲惟均想宣化之多餘固養恬而增粹行膺迅召還陟嚴塗

代回史秘校書

文試有司業精諸彥光外臺之舉首大華闈之慶餘垂
駢長牋益欽高矩即收名於上第當得意於青春餘冀
自恃以須大到

回慶州鈴轄梁文思書

參領戎韜徃臨邊劇喜獲賢規之接顧慙主禮之疎旋
審涓辰已諧視事首荷榮輪增戢鄙懷方外圍之倚才
佇中朝之紀績餘祈厚愛以對華褒

亳州宋內翰書

恭以某官學際天淵名重纓檜早陪乙夜之覽允極千秋之榮謂翹步王塗未殫行事之效而班條候屏少見澤民之爲順履慶辰具膺景福宅上台而秉軸諒在匪朝祝南山而奉觴莫違爲壽永言瞻頃曷究名言

揚州錢侍讀書

恭以某官元精所生盛德之後紹該洽之先業陟廉良之茂科華要淳揚聲光愈綽密侍鈞衡之覽遞厭晨趨

樂從露冕之遊已凝風績靡容秩滿行被詔還屬亞歲
之膺辰固自天之集慶某按封茲限為壽莫前瞻禱祈
深名言非諭

江寧府皇甫諫議書

恭以某官莊重自居直清不倚間闊數紀出入兩朝寢
隆法座之知峻陟諫垣之秘典刑在事方倚老成之資
藩翰于宣遽布中和之治順迎令序誕擁龐裙瞻頌所
謀名非非究

杭州呂舍人書

恭以某官道具粹醇體凝方重早躋仙籍之甲選久陟
禁林之貴游英袞之暢偉謀尚淹大任畫錦之過故里
聊請使麾某適按部封正遙墻守祝南山而為壽莫遂
前趨託無幅以貢音曷涯下悃

運使工部書

恭以某官王國美才卽垣碩德荷曠流之隆眷方倚兼
能領金穀之要司尚澣致遠行疇最狀驟防嚴塗順履

今辰誕膺景福某按封茲限為壽莫前瞻禱所叢名言
非諭

發運大諫書

恭以某官夙鍾間氣親遘熙辰翱翔要路之華聲動薦
紳之望以至兼諫署之嚴密總漕臺之劇繁給食中都
暫繫於心計秉鈞上笏行被於詔音屬亞歲之膺辰固
自天之集慶某久違賓次徃按刑章為壽莫前瞻風茲
劇

回梁文思書

一別河濱歎離羣之久矣相逢闢右幸道蓋以懼然旋復睽違方深企嚮遠貽書好益固襟期伏惟某官才武絕人忠勤許國適領兵鈴之要行收邊閫之功倍順節宣少符瞻禱

上察院書

恭以某官文為國華道先民覺雍和朝弁之貴暉映士林之光佐邦漕之劇司適資心計兼臺綱之要秩允稱

恩章行旌幹濟之能驟置凝嚴之列順迎令序誕擁純
禧為壽莫遑瞻風徒切

代回江東轉運張學士書

自阻風期倏彌年所沉迷官簿常若少間臨按屬封曾
無虛月因慮牋函之奉仰諮詢燕餽之安豈謂眷存首貽
音諭伏審坐籌大計翕萃繁禧恭以某官行潔道醇才
宏業鉅外臺刷使頻成第課之優東觀昔游已復載言
之選蓋上心之圖舊行思數之疇庸領漕節之輸將諒

非久次踐王塗之嚴密進服徽章

代答曹州孫祠部書

官部按彊日傾盛德客車假道時剽美聲思清晤以未
遑遽珍題之首及仰衡嘉既第繫鄙哀恭以某官方格
淳脩才猷膚敏紫垣列宿金踐於清郎綠野班春聊蘇
於雅俗行圖風績增晉襄章

代賀亳州皇甫諫議書

伏審光膺綱札移甸巨邦審即便辰已開尊府伏惟慶

慰恭以某官行雅高與道具粹醇親逢宸辰之知垂陟
諫垣之秘淳凝風績頻易守麾唯亮社之名區實淮墳
之重鎮暫繫者德以布寬際熊軾班春豈容於秩滿鳳
書申命行被於詔還

代問候文相公移鎮書

伏審卓馬還朝朱幡赴鎮已離邦於日下將假道於淮
邊鎣鼓沸川特雄方面之勢冠蓋溢路顧識相君之威
矧叩簪紱之聯嘗託鈞衡之造日傾台旆增企愚襟伏

惟順履蕭辰誕廸茂福恭惟某官民靈先覺王佐偉才
感會帝宸綢繆公路畫一之歌既作休有成規太平之
策略行遽臻至治暢袞謀於已試收廟略而弗居出甸
陪京摩遑滿歲旋膺徽冊易鎮要藩行將宣布寬條撫
柔雅俗坐席未暖亟五月之政成詔書誕頌復三篇之
冊拜俛惟疏冗訖望挺陶

代回舒州柳龍圖書

比塵使局獲邇溪封徒然燕語之傾缺爾戩脩之奉豈

圖高誼首占珍題情在遠而逾親禮由謙而益厚兼審
坐班寬詔舉萃繁禧恭以某官才貫幾深器函剛寶對
休辰而逢吉揚顯仕以垂光冠鄉列於禮司登禁聯於
延閣主符假守聊鎮於善藩鈞軸須賢行膺於迅召

代上并州梁相公書

伏念自領小麾久從遐徼門墻萬里敢忘块孔之仁寒
燠一音不徹崇高之聽台光在望愚悃增勞寒籥丁辰
善藩觀政神明所相福祚其蕃恭以某官社稷元臣山

河間氣樞廷宥密早暢於廟謨宰席凝嚴深裨於國體
前班漢詔出殿弁門屈大丞相之威尊總外諸侯之節
制免童迎迓兢喜細候之來姦黨散逃率歸廣漢之治
行圖偉績還宅上台

代上許州賈侍中書

爰初還臺以迄補郡台光在望曾無數舍之遙俗狀增
勞都缺單函之獻第負芒而引媿難擢髮以論愆竊繫
賢宰之量洪未識下僚之禮廢伏惟坐班藩政參嚮天

和恭以某官業履崇高智謀廣大抱誠明之正性秉忠
諒之一心疊簡帝衷首謀王體師尹當國有具瞻之民
阿衡代天無不被之德以至疇咨舊德登冠鴻樞珍策
立成遠夷坐至帷幄以肅京師其尊位長百工允極宗
臣之貴柄更二府弗收造物之功懇列壤封請臨寰服
對宸綺之均逸露公冕以觀風居外弗異於中斂大以
施於小行膺徽冊復圖文武之才還秉元鈞寢造邦家
之福

代都運張待制與宣撫郭樞密遠迎書

伏審出佈恩德近違威顏前蘇甫臨列城增企冒霜稜之初凜萃時祉以載蕃恭惟某官偉略沉雄傑才高邁胄襲汾陽之慶神傳北上之符方倚壯猷以籌多算會小戒之玩境煩近弼以臨邊制勝幄中未緩鴻樞之席宣威聞外遽揚都統之旂行懋丕功坐寬西顧某漕文所繫郊候無期欣跂并深名云非忘

代王龍圖問候省主韓侍郎書

自去朝游遂叨州守當兵民之綏御亦既踰年凡使客
之往來曾無虛日居有寬條之所布間為多病之相乘
雖勤向德誼之心不忘朝夕而仰諮福履之禮曠叙寒
暄方涉冬嚴諒蕃時祉伏惟某官才包王佐道貫民彝
名躋日月之高學破鬼神之奧瞻中都之調度坐懋豐
功揭海宇之儀型行膺徽冊

與郭樞密遠迎書

比貢音函當徹高明之視適丁寒籥仰惟跋履之勤兼

審嚴騶甫臨近境行瞻台範增企鄙懷伏惟某官鉅業
茂明傑才宏遠本兵之地輶帷幄之前籌奉詔以行寬
朝廷之西顧餘留迎謁併叙欣翹

代張待制與宣撫卯樞密遠迎書

伏審前旌甫臨近境即躬郊候增聽車音仰遐胄於霜
稜固載蕃於時祉伏惟某官偉謨經世丕績熙朝制勝
中樞腳輶神機之肋宣威西徼行聞廟算之平進謁有

階翹瞻尤劇

答鳳翔黃元禮察推書

向緣厚幸得奉賢規曾乏少間遂疎主禮睽違未幾瞻嚮殊深遽損音題過存愛意屬霜稜之倍厲固時祉之載蕃伏惟察推延平方格淳修才猷膚敏寧久煩於婉畫行前對於華恩順序自持副愚所禱

賀滄守沈修撰書

伏審就鎮劇藩兼榮秘殿肇開尊府肅布寬條伏惟慶慰恭以某官厚望端朝傑才高世包經謀於術內富羣

籍於胸中贍給京師方轉漕臺之粟慰安黎庶旋分帥
閫之符重通儒之操修當太史之論謨行祇嚴詔寢服
皇僚

賀王周二侍講書

伏審內閣陞華禁筵勸講側聞成命竊忭丹悰伏惟某
官名世挺才際天蘊識不由汲引自逢真主之知旋取
顯榮漸見通儒之效比進陞於書殿函入侍於經帷上
方嚮文適資稽古之力行矣登用遂適當今之宜列慶

稍稽負慙良劇

與慶州機宜會節推書

自潤高風侈經累月比辱音函之貺殊欽禮意之勤旋
若舊疴稽修報牘方講邊防之節制諒煩幕府之文書
益保粹襟行膺茂渥

回提刑少卿書

比者建旄舊雍總節全秦運帷幄之前籌曷明遠格寬
朝廷之西顧第竭寸心方休道路之勤即有詔條之奉

未遑叙悃先辱占書感愧并深名言非忘

回慶州王給事渭州蔡待制書

誤蒙上旨出總西師初見吏民甫班條教久荷謀謨之
責寢驚精力之疲尚繁邊閫之帥才協圖大事庶副朝
廷之聖寄共底成功曾書禮之未修遽慶音之首及并
深感愧奚盡名云

回河中府呂修撰書

右某啟比辭冢任旋付劇懼剖分陝之守符總全秦之

帥節下車視事方祇布於詔條記室占書遽遠形於禮
意永言感篆矣盡名云

賀列府宣徽太尉書

恭惟判府宣徽太尉大忠奕世偉業熙朝參制五兵輒
樞廷之勝算并護諸將領邊閫之刷權進揚徽猷增峻
台序疆場無事行底於丕功旂常有銘愈光於前烈某
心馳門下踈繫幕中第修慶牘之虔茲阻壽杯之獻

回賀耀州冀郎中書

伏審比諭穀旦肇布寬條伏惟慶慰本朝愛民數郡擇
守維華原之重地寶陝服之刺州氓編既繁訟牒亦衆
其當師帥之選宜屬公明之材恭以知郡卽中識際幾
深器函端實自底時名之重淳揚風績之優剖符此方
寧需於滿歲趨召不次祇在於匪朝會慶禮之未修遞
誨音之首爻永言感仰曷盡文陳

賀渭州蔡待制書

恭惟知府經略待制偉才經世厚望端朝出觀邊閫之

風進列禁塗之籍邇宣遠略益懋莊猷坐布藩條兼兵
民之綏御行參國論陪承弼之謀謨茂對令辰載蕃景
福某心馳門下跡繫幕中徒度慶牘之修茲阻壽杯之
獻

祠部集卷三十

欽定四庫全書

祠部集卷三十一

宗 强至 撰

書

賀昭文相公書

竊審圖任真賢進陞上宰延鎔所及慶慰維鈞伏惟某
官函德淳深秉彝淳大鬯元猷於台路懋偉績於王家
萬化經懷多識廟堂之故事羣生順理久躋區宇於大
安素望日充清衷愈簡首寧天綽就專尹氏之秉鈞永

朔帝圖當邁汾陽之書考格太平之極致殫康濟之初
心成命既行私誠竊忭

賀集賢相公書

竊審顯膺徵冊對掌洪鈞廊廟登賢寰區均慶伏惟某
官器函剛實識貫幾深才猷兼濟於百為智略可酬於
萬變制兵樞幄方運留侯之籌論道寧庭遽隨蕭相之
畫矧云賢業夙簡睿心君臣一德之所同古無與擬禮
樂百年而後作今也其時行鬯偉謨亟躋極治側聞新

命增忤丹悰

賀富相公判西京書

竊審屢抗囊封懇辭宰柄輒中階之論道委近輔以優
賢素志獨諧清風逾遠伏惟某官誠明正性忠亮一心
久於社稷之宣勞數以翰垣而均佚復歸冢席比符周
尹之具瞻曾未朞年連謝留候之多病上方急治倚以
鬯謀諒緣誠請之堅遂許老成之去鎮安雅俗暫茲為
福於一方寤寐宗工更覩蒙休於四海仰高第劇展慶

無從

劄待制問候書

近者使旆之東客亭云別冒風霜之初勁歷道路以載勤甫稅征車諒完泰宇睽違未久企仰尤深宅兆奉安良增於永慕朝廷倚任倍冀於自持瞻禱并懷名言非喻

回提舉郎中書

竊審專倚周才共經外計就膺邦選出按邊儲伏惟某

官學造聖源識通治體已試財闡之效屈從守綏之行
清議未安休聲愈劭賢業可兼於數器惟所設施兵須
肯責於一端別當簡擢冒霜稜之初厲擁時祉以載蕃
叙慶尚稽占書云及其為感忭奚究名言

回韓內翰書

審膺恩縛登踐禁局內相得人衆賢胥賀某官性恬榮
利學造淵源鄉羽翼於東朝旋表儀於近侍進以直玉
堂之祕足罄忠規繇此調金鼎之和始符公議聊藉演

綸之大手即撝澤物之初心未列慶函首紓榮牘永言
感忭曷盡名云

回邢州狄閣使書

審即便時已班寬詔宿官茲限馳慶無從伏惟某官偉
略沈雄傑才膚敏蚤膺世選寢服使名壯歲專城更邁
昔賢之盛事元功仗節行追先烈之英風即聽召還靡
需報政首紓誨牘仰佩謙懷某下情無任欣忭感銘之
至

回衛州周郎中書

審即使時肇班新治未逾朞月已浹歡謹伏惟某官望
厚周行才兼數器十年禁局備緣風力之強千里輔藩
聊布政條之裕行膺迅召亟陟要塗未列慶函首紓誨
牘永言感忭奚罄悃悰謹奉書陳賀兼謝

回提舉承旨端明王侍郎修實錄畢轉官書

竊審國史終篇春官進秩真儒之效多士所榮恭以某
官序冠禁塗職尊祕殿早以文章之大手簡於神聖之

淵衷會仁廟之一朝載信書於百世編年幾易寶資才
識之長奏御甫成訖被龍光之懋稽修慶問首枉珍函
感忭并深名言非悉

回昭文相公賀冬至書

天陽云復已慶問之先馳台座且遙猶鄙誠之未徹敢
謂自存謙矩垂貺音幽荷禮意之過隆寫惑悰而增劇
伏惟某官山河間氣社稷宗工首陟宰塗力平王路代
天工而調化茲鬯辰猷對日景之履長茂膺純祉

回南京王宣徽書

自潤風微忽驚歲晏雖政事已修之前跡無所更為而
音題或至於歷時缺然不講敢圖雅眷特枉珍幽兼審
偃息別都撫柔嫩俗神明所祐福祚其蕃伏惟某官勲
濟王塗望尊台路政成五月猶司留鑰之嚴冊拜三篇
行秉宰鈞之要益綏寢餌少慰瞻祈

回成都府陸龍圖書

審即便時肇班寬詔治行千里歡浹兩川某官風績宏

長器資剛實歷紓賢業獨簡睿心識延閣之河圖殿會
藩於井絡撫柔遠俗行聞最狀之成延拜近司靡候更
書之滿尚稽修慶首辱占音感憚并懷文陳非諭

回昭文相公書

元朔更新嘗首馳於慶問上台存舊乃交貺於音函仰
謙矩之過隆寫感懷而增劇伏惟某官道光宰路勲濟
王塗極治是經元猷益壯首運化鈞之妙寅代天工適

臨歲厯之端賣膺時祉

回趙參政書

泰通云始嘗先布於慶音謙德所存亦交垂於榮問載欽禮意增戢感悰伏惟某官道具大醇氣函間傑參斷萬幾之化措世既安適臨三朔之辰對時協吉

回侍講呂惠卿學士書

審拜異恩兼陞美職經帷勸講書殿校文陳睿選於一時壯儒林之偉觀某官傑才高爽明智該宏潛心自得於聖微操術動居於物表雖文章已任已博極於羣書

而事業躬行當亟躋於顯用長牋垂貺丹憲增銘

回樞密侍郎書

久總帥符實託鴻樞之庇第瞻台坐良諒尺牘之音首
枉誨函自存謙矩兼審坐籌勝算舉集蕃禧伏惟某官
才貫幾深德含簡厚蚤重端朝之望向煩陪幄之謀兵
本已擦底方隅於無事帝心所注佇廊廟之有聲益護
燕興少符企頌

回陝西運使陳學士書

審對宸緒出持使節矧惟茂器蚤履清塗弗專事於空
言欲兼施於行事虛承明之直舍果被僉言領全陝之
計文暫圖碩畫勢非久次歸置近班遠枉書音增銘感
臆

回彭城知縣太博書

審對明恩亟遷美秩未修慶問先枉誨音伏惟某官雅
量淳夷傑才膚敏庇身大邑尚屈高賢之資掌故曲臺
有開榮路之漸永言感頌奚盡名言

亳州判府富相公問候書

頃聯政柄實依盛德之末光今潤台符尤功下情之勤
嚮貢音不數負愧兼深比惟偃息善藩綏將泰宇伏以
某官行參古烈道冠時宗挺然金石之純誠休有鼎鐘
之偉績脫宰鈞而弗顧自養崇高心王室以無忘孰為
內外矧屬寧期之急治行從元老以諮詢伏望益調燕
興仰副眷倚

回越州通判曾學士書

居留少暇哀病相仍缺馳書舍之音增企儒林之範遠
行榮問備戢高情矧術業之表時號文章之貫古優游
法從潤色辰猷茲茂器之所宜非別車之可屈行祇嚴
名倍冀珍頤

回賀參政韓侍郎書

伏審輶貳神樞就聞幾政羣言久穆竊忭惟均伏惟某
官函德淳深秉彝惇大才兼文武之術識照安危之機
本五兵以鎮四夷比參陪幄之制勝財百工而調萬化

旋贊宰鈞之鬯謀世選有光睿心所賴曾慶函之未列
遽榮問之先臨欣感并懷名言非諭

回荆南知府元龍圖侍郎書

向圖綏御薰撫列城之師寢闇晤言永懷延閣之老遇
形盛意遠覩珍函矧惟聳望端朝垂光近侍藩條坐布
議者謂先於一州國論入聞行矣當抵於二府益調燕
餗少副領祈

賀副樞書

寵膺明制進貳鴻樞矧辱已知倍深距躍恭以某官誠
明正性忠亮一心早被華纓旋陞顯服久懋猷為之盛
淳揚事任之煩撫全蜀之提封邁綏遠俗司大農之經
費方瞻中都會宥省之虛員擢傑才而登選物論惟允
神機所參矧玉璜之慶宗有金鉉之舊物坐籌勝算佇
光賢業之施行副具瞻以踵相門之烈

賀呂副樞書

伏審顯承明制陞貳鴻樞伏惟慶慰恭以某官天資偉

謨世濟盛德蚤進更於臚仕旋登踐於皇僚歷宣外榮
休有茂績比領大農之計獨當真主之知會惟幄之虛
員慎樞機之制勝方權綱總擊之際親覈臣鄰正賢傑
彙征之期擢參宥密曾是相門之傑矧為國器之華併
聞英衆之元猷以紹青禮之舊烈永言企忭奚盡指名

代回王尚書書

審即便時已班寬詔方依鄰庇增忭襟悰伏惟某官世
濟忠勤天資英果蚤陟廉車之貴旋增將鉞之雄奕葉

重侯茂華宗于隴右擁麾方伯襲勝氣於山西眷銅雀
之故封付玉麟之新命肇開尊府並建高牙緩帶輕裘
茲適偃藩之樂昔襦今袴行騰載路之謠佇報政成復

光冊拜

答便糴句都官書

伏審大計倚才朔陲按糴適聞新命頗悵丹悰備形禮
意之勤首枉書辭之貺矧卽垣之間傑行被選求豈兵
食之常須可煩施設

代元給事回知兗州鞠學士書

總漕符之煩使寸慮日勞企書殿之清流尺緘坐曠敢
期謙矩首覲音函審素籥之貫辰保粹襟而廸吉伏惟
某官器函剛實識際機深久輟紬書之才累彰行事之
效守麾易地殿鄒魯之巨藩民頌載塗龔黃之遐躅
行祇迅召歸映近班

答瀛州吳待制重書

素籥貫辰黃華應節阻奉登高之樂遽詒脩慶之音恭

以某官親會聖期早躋法從邊闡倚重暫煩綏御之才
國典疇庸行鑿弼謨之蘊

回河陰提舉贊運王比部書

久去近班再司北漕唯是輸將之冗缺然音問之修首
枉書辭良欽禮意伏惟某官卽垣碩彥王國偉才督舟
運之萬艘方圖碩畫助邦須於一道行奉膺功霜氣比
嚴天和參嚮

回新知邢州成少卿書

伏審顯奉宸緝榮紓守綏前旌在道俯邇於治封兼幅
貽音過形於禮意良勤冒涉益固福綏伏惟某官當世
傑才為時雋老繇風力之強濟增治功之懋明九寺名
鄉寢登於貴重萬家媕行賴於撫柔

回永興司馬端明書

審擇剛辰已開尊府薰百城之師帥撫一道之兵民恭
以某官名世真儒禁塗碩德不患寵榮之苟失一以愛
君自全忠誼之所存挺然許國眷咸秦之與壤邇號略

之故鄉方茲垂組以班春更過懷章之歸日封部安薦
飢之俗聊布上恩朝廷思直道之言即還大用首紓誨
牘增戢感悰

回濱州張郎中書

肅即剛辰肇臨雅俗環封千里歡頌一辭伏惟某官風
績宏長才猷膚敏奉行條教暫專瀕海之城趨走名音
行觀中天之闕未修慶問先枉誨函感忭并深名言奚
悉謹奉書陳賀兼謝

回青州趙資政書

移殿鉅邦肇開尊府提封所暨歡頌維均伏惟某官經
世元猷際天傑識孝悌甚高之美行早取重於朝廷忠
純不倚之亮誠比同寅於廊廟適遂偃藩之樂未容坐
席之安亟被宸緝旋更帥節東海賜履聊藉百城之表
儀南山具瞻行副萬寓之傾屬尚稽慶問首枉誨音感
喜并懷名言非諭

回鄧州韓相公書

暫輟政鈞適臨治屏詔條云布福祚其蕃伏惟某官勲
濟王塗道包民極稟山河之間氣挺金石之純誠參斷
萬幾蚤仰追於先烈協恭一德旋昭冠於中階方注意
以綏邊寶鞠躬以抒患未殫遠業俄屈更藩小醜尚存
實夙宵之所憤大忠自信奚出處之能移一方雖被於
仁風四海奈思於霖雨淑旂啟路聊煩觀政之行英袞
熙朝即復調元之舊羣心所企衆論維均暑氣尚煩台
光正阻伏望上為邦社精調寢興

再任謝史館諸公及樞密侍郎書

向沐朝恩初還鄉守適更清漳之卧理遽以韓魏之居
留事物之來實兼他郡之數倍精神欲耗勉及流年之
再周抗章願息於衰疲易地少圖於閒曠乃推異數殊
失初心西雍節旄幸獲辭於新命北門管鑰猶仍撫於
舊封愚分粗安厚恩有自此益某官力陳寧論密啟睿
衷誤寵不居俾自全於所守殘軀可退未即置於無庸
重寄復當餘生奚補

賀曾侍中判永興軍書

竊審進被明緝往開尊府抗使旌而就道露公冕以觀
風成命既行羣言胥穆伏惟某官鈞衡舊德金石純誠
才兼文武之資身繫安危之託留範廊廟書功旂常間
館優游方養崇高之福屬城節制適圖綏御之經撫鶴
首之巨封賴貂冠之元老雖曰長城之所倚豈容坐席
之少安列郡後迎行見晉公之再入中階登冠復歸周
尹之具瞻慶忭尤深名言非悉

回謝曾侍中賀加恩再任書

某稟生多病假守再蒼庶少息於殘軀遂懇求於閭郡
乃蒙過寵殊戾本心亟更帥節之新不易留符之舊上
思誠篤愚分未安數拜封章始許追還於優渥再司管
鑰訖令強策於衰疲敢圖充路之並游首枉釣函而垂
慶辱貽飾之相假識謙懷之所存待命累旬報書差晚
載惟弱植常懼疾顛全退處於無庸得自全於所守睿
心誤獎猶未棄於餘生宰論借優俾尚叨於重寄誓殫

歸力少答厚知

代上楚兵部書

就膺嚴詔趣覲清光屬部百城舉懷戀結學宮一介尤失據依旋審簡圖碩畫之長登貳大農之劇涓辰視事順序養和恭惟某官望重本朝才兼數器淳揚中外之選並懋事功之成造膝危言曾無議論之阿世致身要路獨有猷為之濟時比更西道之使符尋調北方之兵食甫安坐席俄被溫書造財省之浩煩諒非久次置禁

塗之清切行副輿言俛惟材器之疎晚陟門闈之峻一見許與固已殊於衆人首垂薦論益難酬於厚德唯祈大用訖託孤蹤伏望上為廟朝精調寢鍊

回保州王驥驥書

消辰其吉布治云初千里環封一辭均慶伏惟某官才兼文武學造聖賢繇甲科以踐郎垣遽投定遠之筆適丁時而提將鉞佇拜淮陰之壇顧是一麾決非久次慶函未列榮誨首詒感佩并懷文陳奚諭

回諸新恩學士書

竊審落筆禁局紬書藏室英廟盛崇文之選詔近弼以
舉知聖朝謹先志之承從新書而試可某官學術該洽
材猷懋明隨問納忠策條當世之所急按題析理論發
諸儒之未明固非一日之空言要在異時之行事飛步
儒館垂光士林首貺長牋過形盛意永言感懌奚盡指
云

回瀘州安撫龍圖書

留都假守曾密接於風聲記室占書辱過形於禮意矧
惟厚望獨映近班要劇淳揚猷為益懋領帥符於一道
薰撫兵民對宸詔之十行佇陪亟弼炎威方熾時祉載
蕃企頌感銘并深悃臆

回渭州經略待制諫議書

一揆賢範俄淳歷於炎涼各領帥符遂相望於西北首
貽尺牘增戢寸襟矧德問之推高賴威聲而經遠閭外
之制已坐懼於戎心廷中之謨行入裨於王體益綏宴

起少副傾祈

回北京通判高駕部書

顯奉細書榮升別乘側聞成命竊忭丹衷伏惟通判駕
部經世偉才端朝碩望闢決名都之治豈盡設施延登
要路之華乃云宜稱載惟厚幸將庇末光首枉音函備
形謙槩其為感慰奚究名云

賀宮使司空侍中書

伏審累抗奏封懇辭幾政適增台序之峻茂對恩章之

隆禮冊誕敷朝紳胥忭伏惟某官格天偉業寧物元功
秉心不回應變無滯君陳之謀猷后德歷更三朝公旦
之勤勞王家遠過一紀忠至竭力功成退身何有鈞衡
遂還印綬進班宏父之位領使列真之居灑然清風惟
高懷之甫適仰止元老恐靜退之難常就慶莫遑馳情
第切

賀吳副樞書

竊審茂對上恩榮膺右府君子得行其道衆人相賀於

朝伏惟某官鉅業適時傑才周物蚤紓素蘊寢服皇僚
主計大農方底京師之贍給代言中禁甫追典誥之坦
明更賴猷為旋升宥密五兵之本參運留侯之籌萬化
所調行隨蕭相之畫側聞顯命增忭鄙懷

回判銓記注陳述古學士書

謁告上前暫閣載言之筆問安親側適拜登慶之堂遐
冒霜稜載蕃時祉首紓榮檢備戢謙懷矧近侍之凝嚴
加中銓之要劇難遂晨昏之養即瞻咫尺之顏益冀自

持行膺大任

賀南京留守王宣徽生日書

良月甫周凝乾坤之正氣元精所萃毓社稷之宗工伏
惟景官業履崇高智謀光大留符居守雖知出處之均
罕柄登庸實稽中外之望方冬云益生德維時俾壽而
臧聊次詩人之頌式宴且喜阻持賀客之觴瞻禱并懷
名言奚悉

回新運使楚兵部書

審膺邦選就領漕符維外臺鈞號於劇煩而北道倍勞
於運給矧望著本朝之重以才兼數器之周需心計之
有餘暫繫碩畫豫邊須於有備行底丕功首枉誨函過
刑謙繫愧慶音之未列戢感臆以逾深

回延州經略郭宣徽書

留符所守已再見於歲陰治屏且遙第增思於台範特
紓榮牘備戢謙懷兼審靜制一方翕臻百福伏惟某官
智謀宏博識度沈雄蚤暢徽猷久宣遠略禦戎閫外繫

坐振於威聲制勝幄中即進司於宥密益綏燕起少副瞻祈

陝西宣撫韓參政問侯書

宣諭詔音煩宗工之西撫發施廟算俾强敵之外攘遐
歷關河良勤車馬神明所祐福祚載蕃伏惟某官經世
元猷際天傑識方圖新於百度會有警於一方台席暫
虛往總裁於疆事寇巢即殄還登進於冢司伏冀上為
邦家益綏寢餗

回新鄆州邵資政書

守北門之留鑰淳歷暄涼企東里之治封曠諮燕起旋
聞易鎮仍缺馳書荷厚德之隆謙枉珍函而垂貢審丁
寒籥增廸粹襟伏惟某官才貫幾深器函簡厚鄉貳樞
廷之密祕屢更督府之雄威兼撫兵民未暇溪堂之式
宴復參丞弼即符海寓之俱瞻伏望上為邦家益調寢
餽

回郭宣徽書

竊審視公袞之絕班就膺異數仍帥符之重寄坐鎮雄
藩伏惟某官經遠偉謀濟時明略寬朝廷之西顧輶帷
幄之前籌疆事久勞繫外平於戎索詔音垂及行入總
於神機旋錄膚功亟加顯命末繇修慶首辱占書感愧
并懷名言非諭

回判大理寺崔司勲書

復來北道介立羣居拙直無機都與時情之異嚮據依
有地獨蒙賢者之重知旋濶高風遁經累月叙戀未伸

於尺紙馳誠常結於寸襟敢謂隆謙猥先賜教復此卧
疴之有日職茲修報之不時尚繫恩憐特以情恕伏惟
某官才兼數器望厚本朝陰德固多曷涯於顯用睿心
所簡益懋於華章順履春陽載蕃時祉更祈珍重少副
瞻依

代魏公回曾子宣學士書

竊審發蘊治朝垂光書殿家聲繼美士論稱榮伏惟某
官偉業濟時醇文貫道疾陋儒之無補唯事空言會真

主之有為自圖實效讐譖文於簡冊講長利於家邦兼屬周才良階顯用未諳修慶首辱占書愧忭并懷名言非論

回賢良呂屯田書

審策危言旋躋異等士林聳勸賢業增光伏惟某官方格淳修器資夷遠知周事物之變學際天人之交落筆大廷悉指時而無隱奏篇中展皆措世於可行豈依褒陟之恩能稱詳延之實即聞顯用少副輿言首脫長牋

深銘丹臆

回越州通判曾學士書

二氣交泰百家寢亨茂對歲端宣應時祉恭以某官學
探聖際文醇古初頡頏嚴塗久積士林之望徘徊別乘
尚深賢器之藏年籥更新名函垂至首紓慶問倍戢感
悰

代魏公集賢相公問侯書

向司留鑰獲庇宰鈞比緣輔弼之勞神遂至寒暄之違

俗慮煩省覽曠牋牒之間安旋稔善平與邦家而均慶
伏惟某官器亟剛寶道貫幾深昭安危之大方更文武
之二柄謀謨廊廟曾勿失於蕭規利澤幅員實具瞻於
尹石伏望倍綏燕餗仰副倚毗

回呂舍人書

審對制函榮陞詞掖矧惟鉅業獨映本朝凜然臺中之
風休有天下之望籠財北道頗違澤物之初心落筆西
垣遂屬演綸之大手追坦明於三代揜深厚於二京聊

鬯壯猷可量顯用永言媿忤奚盡文陳

回林學士書

審對恩凶旋登書殿矧大猷之高世繇遠業之傳家是正謫文甫訖羽陵之蠹簡校讐祕館茲云王氏之青籜物論所榮霄程可測特存高誼垂貺長牋喜切感銘兼深鄙抱

回賀省主吳內翰書

審膺制檢就陟禁局曾未列於慶函遽首貽於珍牘別

以傑才高世厚望端朝鬯儒學之淵源稱辰猷之潤色
元昆舊物繼書綸綺之溫辭多士美談曾耀衣冠之盛
事況大農之要地實近輔之便塗行服茂恩進聞幾政
賀賈魏公還節罷侍中仍受舊左僕射加大觀文

書

伏審懇列封章蘄還節鉞俞恩易地徵冊造廷進陞秘
殿之華臨長中臺之劇伏惟慶慰恭以其官樞衡舊德
金石純誠才兼文武之資身繫安危之託留範廊廟書

功旂常比均北道之久勞得請陪京之舊治抗雙旌而
入勤方倚老成辭六纛之啟行遽刑露奏自養崇高之
福益敦恬尚之風左相絕班仍表儀於列辟文昌要地
便咨訪於元猷企忭并深敷論非悉

賀陳副樞書

入奉恩緝進陞陪幄伏惟慶慰恭以某官才包王佐勲
濟聖時蚤歷華塗旋躋顯服比讓鴻樞之亞出宣遠略
之勤二敵以寧鬯威聲於邊閫五兵所制著雅望於本

朝遂趣介圭之還復參宥省之舊行膺冊拜乃副輿瞻
與機宜安厚卿著作書

就被辟書屈從幕府兵民一道聊煩樽俎之謀賓主相
歡應適詩書之願矧收名於異等即飛步於嚴塗得庇
末尤尤深竊忤

代元給事答成都府趙龍圖書

籠財北道轉粟中都顧無煩使之長賴在高賢之後尚
容竊幸可踵成規甫舍征車未馳謝幅懽然禮意之相

厚首以誨音而遠貽用布寬條靖緩遐服神明所相福
祚其蕃恭以某官美行甚高至誠自信陞諫垣以開忠
亮之蘊總漕節以見輸將之才直內閣之圖書帶西州
之印綬兵民薰制政任實繁坐鎮有餘惠浹兩川之舊
名還可待治幾五月之成柄任云歸輿言所協

答兗州唐龍圖書

解麾南服總計北陲方休道路之勤即董舟車之運稽
郵音而講好煩記室之占書仰戢謙懷中藏感臆恭以

某官誠明正性忠亮一心蚤被華纓寢陞顯服擊邪扶
正自全國體之重輕執憲班條不計身謀之進退適繫
遠略云殿劇藩維薄伐之故區實勁兵之要處境控二
敵地緣百城暫煩細侯往護諸將矧威聲之素著加治
迹之頻優行奏膚功入歇休命

代魏公回曾舍人書

審對制函進陞禁掖訓辭鼓天下之聽詔命見聖人之
心維時代言僉曰宜職某官道結真主學通先王盛際

親逢於有為貴名自取於不次兼提數局奄有羣才之所長屢抗至言力齊衆論之不一聊屬演綸之手未殫澤物之心勢匪久居議當大用適叨封國之假守側聽治朝之得賢未列慶音首紓榮誨永言感愧奚盡文陳

上杭州知府沈諫議書

頃者為令屬封託公餘庇一以恩私之煦曾何位貌之論常獲坐隅之進趨不知縣道之疎冗幕府連從於西北門闈屢阻於東南積是朝夕係仰之誠缺然寒暄起

居之間益術業不長於他政唯管記見役於上官欲為一書翻苦少暇抑中年精力之有限非盛德須臾之敢忘尚蘄高明或貸罪戾恭惟知府大諫道德之老朝野所宗才究百為之長識通萬事之變淳揚中外並建事功時論愈歸風績時懋二浙會府矧在歷居之已勞七人近班不應補外之宜久行祇嚴詔入輔寧朝俛惟孤生尤切勤禱雖躬被善化阻預鄉人之間而口頌壯猷肯居國士之後風霜正凜旌棨方遙上為邦家倍綏寢

餗

代魏公回宋次道諫議書

宮符久領居常多病而少閒函訊每來滋用負暫而懷
感方歲律之遁盡惟生經之粹安某官才貰幾深德含
簡厚蚤進陞於法從比臨長於諫工博極羣書多識朝
廷之故事參聞大政行追家世之先芬益護燕興少符
傾祝

回新恩通判賀郎中書

竊審顯承宸恩榮貳尹政曾未單函之修慶遽先累幅
之惠音祇服謙懷增銘感臆伏惟通判郎中秉彝簡厚
操術精深淹回不歎於郎潛恬約自高於物論名都劇
治暫勞關決之才要路華章行懋延登之寵春期將半
時社載蕃瞻頌感藏不勝下懇

回劉道叔祕校書

曾是晚生獲親盛德忘年相厚契緣出於士科聞道固
先禮止容於兄事違離幾月倏忽中春伏惟心游六經

躬享百祿未暇一書之叙懸遠煩累驛以寄聲方真主
之急賢矧宿儒之抱道行聞延訪起備諮詢瞻頌感藏
并深下惄

代魏公回發運羅少卿問侯書

留符所守使範且遙敢圖雅愛之存遂有珍題之貺兼
承近履參嚮蕃禧惟望重於本朝矧才周於數器久煩
碩畫總山海之輸將屢懋不功贍邦家之供億行祇明
詔歸踐嚴塗感頌并深名言非悉

與二府書

向勞重任遂乞餘生得守故鄉甫安坐席一奪清漳之
卧治再叨全魏之居留矧惟北門實控朔野素號多事
罕常少休詎勉三年智與力而俱困支離四體疾乘衰
而屢攻苟復徘徊則將顛墮載念朝廷之極寵莫如將
相之秉榮曾是罔功久茲空食慮役坐戕於神觀量盈
陰懼於鬼誅所以游露封章仰干旒戾懇還旄節願易
麾符愚秉雖堅睿聰猶隔自非四近之協助曷使兩端

之畢諧顯勞合被於褒嘉公累遂諧於湔滌未容贊善
先辱惠音行聞九寺之進亟續具一書而修慶永言感
忭曷盡名云

回磁州晁大卿書

不聞餘教第驚日月之屢更常跂下風缺叙寒暄而上
達簡情若是損遺乃宜敢圖損卿老之達尊眷卽曹之
晚進首詒勤誨備戢謙懷仍審順履春和載蕃時祉伏
惟知郡大卿德函渾厚識貫幾深沛然風力之有餘底

厥事功之甚懋清門濟美矧追迹於先芬嚴詔趣歸行
垂光於近署

代魏公賀富相公致仕書

竊審顯冊造廷安車就第兼榮將相增快公卿素志一
時清風萬世伏惟某官德尊台路勳在王朝忠亮丹誠
屯夷共貫頻年辟位鬯謀未及於道行晚歲偃藩知止
漸圖於身退遽舍臯夔之偉績遂諳箕願之初心宏父
進班聖君優老動清洛之喜色追香山之舊游某早庇

末光比聞成命激懦衷而竊慕愧勇退之云先企忤弁
深名言非悉

代王龍圖賀郭宣撫書

伏審上注睿意出宣詔音惟時列城咸企前驥伏惟慶
慰恭以某官傑才高世偉略絕人襲忠誼於世芬洞機
鈴於兵要比自廉車之貴亟躋宥府之嚴方繫壯猷曾
未累月會小戎之玩塞資厚望以臨藩縣密勿之廷中
往籌多算專慰安於閫外坐制一方佇銘鐘鼎之勲增

重邦家之望水行賞序時社叢休

代王樂道龍圖回環慶副總管張團練書

伏審延獎膺功就膺寵命增使名之峻秩貳帥路之劇
權未列慶函首詒珍牘往乘邊障方倚於傑才出擁戎
檀即光於美拜永言忻感實倍常異

上北京通判兩郎中書

向者備員屬邑託庇副車官書期會之間未嘗檢察公
事起居之際為霽威嚴訖由恩臨得以理去逮從事於

幕府益馳戀於門牆素籥北涼粹襟廸吉恭惟通判卽
中才兼數器名重本朝貳尹治於別京已登最狀擴賢
謨於要路行懋休功伏望上為邦家精調寢鍊

代與蘄州呂兵部和州傅戶部書

向此為州遂有米鹽之細務居維企德實疎竿牘之常
儀自履冬嚴諒蕃時祉伏惟某官心惟忠誼學有本原
危言朝忤於九天清議夕傳於四海要官美職視如一
羽之輕大節高名坐若泰山之重暫分符於淮右行趣

名於朝端左右嘉謨旦夕顯用伏望為國自厚副時所瞻

代張待制回鄭學士書

伏審上方給筆甫程試可之篇麗正讐書遽踐入優之等騫翔茲始欽忭逾深惟儒館之盛游實治朝之華選宣特文章之諸彥於爾為羣由來公相之貴人此塗所出某官學探聖闈名重士林鼓撻庭之雄辭中入彀之上第綠髮方壯矧致身之自高青雲在前信舉足之可

到尚稽馳慶首辱詒書媿荷并懷文陳非諭

代王龍圖賀王待制書

竊審就奉制函總提使節伏惟慶慰恭以某官用兼數
器望重本朝才猷懋明風力強濟間引兩部之漕旋貳
大農之籌贍給中都翹翔內閣適圖藩寄允穆朝言剖
北道之帥符甫溫坐席餽西方之兵食遽趣行臺佇碩
畫之少施即膚功之茂建續須大用訖副輿言

上二相公書

某遠略本疎忝寄忽驚於彌歲舊疴間作貢書遂至於曠時仰兼度之有容顧下誠之自愧伏惟謨明王體翼戴帝圖一德同寅百祥胥祐恭以某官器包民極道濟王塗揀重計以尊本朝履正德以儀庶位稷契諸已唐虞吾君崇賢紓姦興利革弊謀猷猷為之未詔舉教化於可行廟堂之間日修輔相之能事鐘鼎之上行紀太平之極功聳動搢紳光華典冊凝嚴貫序變理經懷倍保崇高仰符眷倚

郭樞密遠迎書

伏審樞廷虛位陞城違顏出宣布於上恩行節制於諸將適臨寒籥遐履征塗陰有神明來相福祚恭惟某官略包英遠氣挺沈雄襲祖烈於汾陽授兵符於圮上才不世出名為主知方借前籌參制幄中之勝復資多算聊為塞外之行諒敵冠之望風懾威聲而遁跡某適糜州守佇展郊迎欣企并深文陳非悉

賀王觀察仲儀書

竊審易秘殿之禁聯就廉車之寵秩仍更劇鎮并服華
恩伏惟慶慰恭以某官經世壯猷端雋老揭聲光于
白日享富貴于青春大公相之高門蚤紓鉅業撫兵民
於西徼方懋膚功以文武之兼才遽班聯之易地解平
涼之舊紋換成德之新符佇繇蕃閭之雄歸秉鈞樞之
重永言欣頌曷盡名云

賀陳蔡二提刑書

伏審顯對恩函就更使部側聞成命竊忭丹悰伏惟某

官識際幾深量函夷雅擴長才于仕路鵠偉望於郎垣
奉詔中宸體睿心之欽恤按章列郡多陰德之平反行
登踐於嚴塗寢發舒於遠業永言欣頌曷盡文陳

欽定四庫全書



卷三十一

祠部集卷三十一

欽定四庫全書

祠部集卷三十二

宋

強至 撰

策問

試京兆府學生策問八道

問讓者天下之美道所以息忮心而長廉節也處夫上者或為之先在下者陰從以效今公卿大臣間旦受一命焉暮必讓讓至于三四不聽則必就噫果可讓也奚三四而遂至雖百十猶為之必聽焉而後已其不可讓

而讓也是率天下以偽也其從而效者皆偽道也望忮心之息庶之長難乎矣今之讓可行也不可

問肉刑之刑慘也後世憫其體膚之斷而去之然罪有大於髡黥者遂無等以處置一加而至於死於戲斷者誠不可續較死不猶近輕乎若是變肉刑之慘而反重之豈法之得就慘與重奚適為可

問記曰君子行禮不求變俗夫不求變俗固也然俗固有微惡又可槩而不之變乎如是則固簡者得籍以為

說觀惡俗而恬不一變焉將攷其俗以就吾體又慮夫安於故習有不得已而就焉者非中心樂而成變也君子之於禮如何為可行願以聞其說

問戰危事也雖機變不出或先克以濟方長勺之役曹刷問莊公何以戰公曰小大之獄雖不能察必以情刷曰可以一戰噫矢石既接敵者在望驅生人而就死地而曰我察獄能以情可使之一戰必克乎刷之言偶取於當時耶遂可以為後世用兵之術耶

問昔洚水氾濫蛇龍交人之跡禹導而行諸地中然後九川以瀋而中國得以食河自金隄之役興其故道遷而橫流肆者後世不絕今瀕河之地或種不得下有既耕殆穫而隨被水害者無虛歲欲順其性而從其所自流則有毀城壞畝之患將堅其防以禦之然水行地上不決則溢未見其可禦也講河策者必有長利

問孟子對齊宣王以為明堂者王者之堂欲行王政則勿毀噫聖人之君世其道德仁義凡可以為治者莫不

講鰥寡孤獨莫不皆有養雖無是堂王政可勿行乎苟宴然自得於九重之上弗講其所以為治之具而施仁弗先夫四者又可以行王政乎若是王政之行否果繫一堂之存毀乎否也既曰王者之堂矣於齊焉得有諸軻之旨安在諸君試辯之

問書稱鯀陷洪水汨陳其五行帝乃震怒弗畀洪範九疇乃錫禹噫天高乎在上將睹其赫然震威以怒鯀人諄諄然有所命以錫禹耶不然豈箕子之言過耶抑禹

得九疇其取以治水者果何法耶及夫決天下之水而注之海然後任九州之土以定貢彼八州者先田後賦莫不皆有貢而冀獨反是何耶

問夫子曰吾四十而不惑蓋子曰四十不動心有以異乎苟無以異也是二者聖賢少時何不能必待四十而後可蓋子以為顏淵具體而微且淵也短命是未嘗至四十也苟不至夫子之年已不惑則過聖人遠已烏在其微也若猶未也既未能無惑其於聖人之道有不足

者矣烏在其能具體也諸君為辯之

試德州進士策問二道

問儒苟名則已必欲蹈其實而不心乎治亂之原未見其能儒也自古皆有治亦莫不有亂治亂之來非天降地出直根夫君臣得失之歸爾若二帝三王之盛有治而無亂不待講而白孤秦五季又無足道者繇漢以迄于唐其間有欲治之君而無治臣或臣得矣而君失之於上與夫君臣一德號為至治之極者此宜就諸君以

考也其歷代史籍之載各按往古以對庶觀儒者之用心

問鹽於海利為最巨欲利一於上而絕下之侵也故防峻而網逾密自竊鬻私販之興而愚民俱入於罪甚者或轉而為盜至制挺以殺捕間入死法而不知止何利之誘人也如是議者欲天下通行而商焉則又官之所得纔闢市之算爾是刑罰可省而利入或無幾噫通行傷官禁止害私害私滋刑傷官耗利若之何其可也

頌

上文相公生辰頌

某蓋聞昔在宗周則有若申甫鍾神喬嶽而克宣四方之澤粵惟炎漢則有若蕭相儲精大鼎而終底第一之功皇天眷宋思佑真主和正之氣上不為景星慶雲殊尤之祉下不在靈芝屈軼中萃河汾是生王佐公翕受純粹亶為誠明入則暢袞謀裨王體以躋君於堯舜出則布上恩厚民德以措世於仁壽方將施澤於無垠較

功於無前區區周漢之佐不足為公議也惟月孟冬日僅盈數實公載誕之辰謹獻頌以壽壽曰

月十為陽日九為良河汾之鄉于時發祥是生我公德完道充文乎深厚志乎粹忠出殄強敵入登元輔甘雨早歲和氣縵字誕辰爰臨幅員一心祈公之壽松筠千尋

銘

鐵漏壺銘

注之涓涓弗舍晝夜節數之正差不容緉作於熙寧庚

戌孟夏

序

盧君字序

古之人有所志且戒或寓文銘器以自謹有時而泯也
豈若名在已稱於口而終身焉名不徒立具見君子之
志善哉盧君之名正臣也其志於忠者歛然正之施不
一有諫諍之正焉有議論之正焉有容色之正焉有進

退之正焉諫諍之正過中則失亢議論之正過中則傷泥容色之正過中則太剛進退之正過中則近僻若是不得中之助亦不足云也故云既定朋友之間人為字以稱道使聞而知所表焉予於盧君則友也字君字職請字曰中甫君方屈才佐一邑他日立朝廷事人主使人稱之曰盧某正人也則君之名不虛命又曰正而且得中則予之字不虛表中甫其勉之皇祐三年正月十二日餘杭某序

吳三班字序

致政官師杜公昔為樞密使今三班吳君嘗給事其府謹廉敏慧能自得公意故未嘗以吏視君問因視側命之名曰希遠公旨必曰功名事業在希其遠者而不以近器期君也今諳字於蒙請字曰伯強何則適千里者在足力之強爾否則跬步不能到君子之於遠業亦曰自強而已矣皇祐五年六月二十四日友生強某序

送監征錢宗哲序

人心之仁均有也然而不能者利奪之爾閼征之吏探囊發篋索人之隱其心豈索不仁哉蓋曰賞格誘之爾今有司之令主閼征者月校季比歲終會其裸視前歲之增減以為殿最課增有厚賞惟恐搜隱之不至仁何預我哉浦陽在婺為窮山商旅之過婺者多道旁邑故閼征之官常病歲課益張其防伺人之來間有一觸者則必傾囊倒篋算緡而去譬夫設機待獸中則不擇故商旅益不來常歲之課益不登獨錢君宗哲之蒞是局

其術大抵本仁誼且曰籠商之術在寬不在急急則吏與商為表裏將寡取其賄而私縱之寬則商喜輸官而吏無以為私計宗哲持是術凡商旅之過者必裁減其數而征之繇是皆願出其塗而常歲之課愈登羨四方之商率稱宗哲為材官又浦陽俗善織凡補吏者指此邑為膏潤其空橐而來盈裝而歸者前後或相繼獨宗哲解官去家儲無擔石吏負而隨者皆先世賜書與父祖誥軸一邑之民愈以宗哲為廉吏宗哲嘗語予我高

祖挈東南之籍歸天子始有功王室厥後用直言登科選者一門凡三人故家聲大于當世今我階蔭籍列冗官苟復規規歲課觀賞格之及寧獨媿吾門抑豈不貽仁誼之羞耶故學不喜章句仕不圖苟進惴惴焉唯弗紹家世之烈為懼以是宗哲能文善詩卓然有遠器噫能言宗哲之材而不能知其廉者四方之商也能知其廣而不能知其文者一邑之民也知材與廉而復能知其有文且仁者予也於其行并取行商居民之誦以為

序云至和乙未三月十一日浦江令强某幾聖題

劉君仙尉字序

世治安則士得伸其蘊而見貴於時自古奇偉士或遭
世不幸避寇干戈之際窮死巖谷之下而其蘊意不得
伸者衆矣宋興垂百載天下號無事東南之民不識兵
革西北貢享不絕於廷士遭此時真治安矣劉君生綺
紈家既得為太平之臣而名復以世安命君是名得其
實矣今一命尉武川武川邑小事簡固宜以學問自力

異日效古人乘輶上書一伸于當時不徒為治安之士矣請以仲之為君字苟名與字兩得其實則得不為虛矣劉君其勉之至和二年三月二十七日浦江令強某序

送嚴公裕序

每天下詔貢士而吾鄉應者不下二百人其選而升禮部者十二人而已吾友公裕嘗預焉既而十二人者偕試於禮部禮部總天下貢士之籍其數纔三千餘其選

而進於天子者不下七百餘公裕弗預焉議者曰十五
而取一焉公裕得之五取一焉公裕乃失之豈其命耶
不然何得於寡取而失之多取也為公裕父母兄弟者
亦曰命朋友於公裕者亦曰命公裕亦自惑於其命而
已耳昔有習舟者往來絕大江未嘗或失也一旦猝與
風濤遇篙亂櫓橫既覆厥載歸而嘆曰自吾汎大江而
吾舟未嘗危也今特為風濤之困爾豈吾術未至耶毀
櫓折篙不復習舟事客有笑於旁者曰夫操舟患不工

爾苟工焉則之江之河之巨海無不利寧有利於安流而敗於驚波哉子弗汝咎而尤風濤今而後吾將見子不能舟斷港寧復大江之能絕乎於是舟者釋然悟再拜為客謝治蒿整櫟畢力於舟事期於工而止焉予與公裕別十年矣今歲詔罷貢士而公裕自婺過予道所為學則粹然其正矣出所為文則茫然其富矣殆非予昔別之公裕然獨所謂取名之術者若將易而不為那未幾告歸因語之曰士患業不精業苟精即於鄉於禮

部於天子之廷何試而不可安有工於其鄉而拙於禮
部哉今公一歛而弛其亦由風濤而毀蒿穼者歟寧知
無竊笑於傍者公裕亦幡然悟再拜為吾謝而去

送邵秀才序

予官泗四方之學者與其州之士凡過予不言其他而
輒及賦彼果不能其他而惟賦之知固不足怪苟畧其
他而止予以知賦其待人既薄其自處必不厚向予之
於賦豈好為而求其能且工哉偶作而偶能爾始用此

科等既得其方捨而專六經之微鈞聖言之深發而為文章行而為事業所謂賦者烏復置吾齒牙哉譬嘗益盜者今既為良民有人道向時之為必頸漲面赤惡人之許也秀才邵君自楚及門貺予以書其間多易春秋發明聖人之道無一及前之云者待人既厚其自處果不薄今還楚有待予若前者一為予辯之

送向秘丞序

民不見治其原在州縣之情分州者曰縣吾統事無便

不利檄一下責縣之必從縣者曰縣自有政檄如予何
事不問當否一切欲違州故州病勢削縣患氣沮上下
交鬪戾而民不得見治儻州可行縣曰必不可行縣曰
是州曰非州忘其勢縣抑其氣唯其當而從焉則上下
交相通而治可見一賢一否不能獨治州縣俱賢焉而
後治今范公鎮青社向侯為屬縣范公屈廊廟之尊就
一郡固不識州之所以謂勢也向侯之台輔之後領一
邑固不識縣之所以謂氣也而又向侯志古力學處事

有本末得天下之賢而事之范公斂大施小獲奇材為官屬州縣之情將合如符節青之民其見大治豈止上下相通而已哉

純甫仙尉正性齋序

室以齋名無他也蓋居之者內焉諸心外焉諸身藏焉為萬慮行焉為萬事無不潔齋而居之也苟身黷于貨心溺于偽慮發而不端事行而不正獨泰然以居是有齋名而無齋實矣純甫名家子一命尉此邑因即署東

舊字葺以為齋六經置諸前羣史列左右純甫日居其間取詩之無邪以秉心禮樂之中和以治身易之精微以端慮春秋之斷以行事書之洪範以蹈中其考諸往古則姦邪雖死我得以筆誅忠骨雖朽我景其遺烈是無愧于齋實矣顧其名猶缺且諮于予予曰夫身末也心本也性之於心又本也性正則心正心正則其身與事無不正也宜以正性名君齋若乃苟華棟桷苟積圖史動靜不由乎正則非予所以名齋之意也

考德集序

熙寧八年六月甲寅魏國公獻韓公薨訃聞皇帝震悼追榮送終皆輳舊典既葬親為製文刻石以褒大之所以哀寵之意甚厚自朝廷三事大夫以及四方閭巷之士婦人孺子知公名莫不嘆息相與感動顏色而公所素厚者則皆匍匐會哭於其堂或不得往則瞻望歔欷寓使人以祭將葬又皆為詩以抒其哀於是其族戴上之施且榮卿士大夫之能盡於公也既類次上賜錄而

為集又哀卿士大夫所為文詩以屬公之故吏強某而序之謹名其集曰考德而言曰宋興四世仁宗以恭儉慈仁繼承於上而公以碩德偉望感會于下君臣一心遂被顧託建萬世之利定二帝之策而社稷以尊人神有主此其功業與日月並明與天地並久雖前世顧命大臣載在冊書磊落駿偉者不能過也若夫結髮從事以暨白首出入將相垂四十年深謀遠識動中機會忠厚樂易人化其德寬而有制剛而無虐小心大度夷險

一節卒能佐佑三后格于皇天有勲于王有功于國有
庸在民此則前世顧命大臣有不能及也至于功大而
志愈虛位高而身愈降多財而愈貧既老而愈壯則又
合於伊尹之不以寵利居成功周公之不驕吝孔子之
年彌高而德彌劭可謂有始有卒者也公之德業誅于
太常著在史官金石有銘旂常有紀宜其暴耀震顯傳
於無窮而某又以為考德於斯集者蓋公所最著者固
已溢於人之耳目至於微言片善雖一介之寡有學士

大夫終身弗能及者而公則具有焉然不可以一言盡
也是集作者非一人述者非一辭合而觀之巨細悉備
後世窺公之全者繇斯文以求之不為無補則名曰考
德其有不可者乎公之門人多一時豪傑之士而其孤
乃獨以此屬於某豈以某從公為最久識公行事為最
詳而某亦貪於頌述功德以稱公始終待遇之意故輒
忘其材之淺陋言之樸鄙以為之序

跋

跋大名縣主簿石元之東齋卷後

亢之治平間與予令尉元城者也於是乎兩人者交甚好其相從未嘗一日不懽也久之予辟京兆後亢之喪其親以去相望千百里之外竊以為他時縱得游豈復如前日之數也熙寧己酉春予隨司徒魏國公府來魏居無何亢之亦主簿大名以吾兩人者如逆羽驚鱗東西奔逐復相逢於茂林滄海乃其所不意爾知必散易得而偶聚之為難也故情愈好好而遊愈以密一日元

之徹腐屋敝新構揭以為東齋家藏圖史左右而前後
疎窓淨榻據依而坐卧葞有翠栢之景濯有小池之流
亢之且不得而獨有復與予共於此每幕府無事未嘗
輒舍此以不來也亢之修潔明俊自其祖而上二世連
執大政能俛首州縣不知其貴家子也於戲使亢之而
出於先世方盛之時其附而遊也必苟取勢利諂言媚
道或因以驕其志氣寧若今日為亢之者無可附之勢
可希之利耶凡予之相從也亦曰無可苟而來正言直

道更益而迭進則吾兩人共樂於一齋之中豈不裕如哉

記

漣水軍監轉般鹽倉題名記

海利鹽最為巨故法有禁私煮欲利一於公而防民之至也雖食者必市於官矧敢商焉若是官鹽之流通不可一日而息也漣水轉般倉受四塲之鹽其石常二十餘萬以支下淮數州之用苟出納不謹則吏得以乘慢

而攘取於其間般運不時則民闕其用而公家之利亦
乏然倉輿歷二十有九年鹽官凡十有九人至於能究
吏弊以謹出納足公利以時般運而數州之用未嘗一
日闕者何耶蓋官舉於省則所得皆材吏歲滿有賞格
人人思懋力爾殿省丞張公繇鹽局榷酒倅某為獄官
間以獄事詣公因從容語倉事且曰予與同職供奉官
和侯議欲第其官之名氏而誌諸辟子其為我記之某
不敢讓謹記云年月日具位某題

湖州德清縣覺華寺藏記記

吾聞聖人之書曰經苟益而下不預焉經常也蓋言彌天地亘萬世可常行之爾然則經之稱尊矣而諸佛之書無小大統名曰經其尊抑甚矣吾聖人之書其言修身誠意經國家治天下之術備矣惟賢者能知其說彼愚者投其書墜諸地雖千百過之孰肯一援手以置安處謂其無益於己也佛之書窮死生論報應其言曰今世修某善來世享某福今世作某惡來世獲某罪某書

在前雖甚愚不敢稟視必稽首而對之口不漱不誦手
不盥不執謂其能罪福于已也凡數口之家數家之聚
未有不蓄其書而奉焉矧浮屠之舍哉湖州德清縣覺
華寺佛之徒曰昭序自落髮已能悚然服其師之教既
尸寺事又能募錢若干緡購其書若干卷為髹函鉢軸
以華之復嚴一室其所謂藏者類而聚焉故觀者益信
嚮誦者益精進逮訖事以記屬予予嘉佛之書能信千
百歲今昭序復能尊其師之書使益信於人是為其徒

有力於師矣遂為記云至和二年三月二十六日記

湯陰縣思賢堂記

龍圖閣直學士會稽陸公嘗為令湯陰公去愛留久而民思公不得見輒寓其情於物凡過公昔所居堂必徘徊想像若有所戀而不能去今令張漸伯因民之所慕榜其堂曰思賢去年公解常山帥節移鎮全蜀過故治邑邑民歡呼焚香夾道爭拜馬首噫公之不為邑久矣雖有餘風遺愛在民耳目其觀迎而望拜者未必盡

當時之人猶喜公若是使其人盡嘗親被公惠與其方
去邑之時其喜若思宜如何也公為詩以道邑民之勤
漸伯并刊諸石始公能以善政使民思今漸伯能名堂
以慰民之所以思民之思止於跡漸伯能思公所以為
賢而履其實苟去而他日過此安知不能使湯陰人如
望陸公於前日也陸公字介夫名詵熙寧三年四月初

六日記

重建左藏庫記

大名河北之要處為官府必高甍巨桷相望以稱別都之雄又其聚人也廣其養兵也衆金縕泉布之蓄與夫每歲十七縣常賦之入海輸而山委所謂左藏庫者宜壯而嚴乃旁雜吏舍偏隘衙門之側嘗比舍火延燎幾殆今司徒侍中魏國公居守封國會主藏吏白狀願得更造因按有羨數者兵幾何官所自有者材幾何者兵足吾使材足吾用可不賦吾民而辦吾事矣一日條所宜改作之狀請於朝報可遂易其故處而新之匠出於

心巧隨於目崇庫廣袤之勢無一不中度四無附居閭
爽軒豁出納之令不戒自謹受藏於內者得以安置如
律而左藏庫屹然雄聳一府非他屋可並凡為楹百一
十有七始作於熙寧二年十月之丙申訖工於三年三
月之丙午在城巡檢魏繼宗實董役事奉行規制無尺
寸不如指者初河朔饑天子處公北門以四路三十四
州之人全屬公撫民歲穰爰及興作為政信有先後哉
方公坐廟堂時聞天下某事有未便或人以為便而事

未舉雖出京師數千百里之外必立罷而即行之矧是
庫既在公宇下又始當騎馭六轡出入往來之道目擊
其陋且非所宜處其圖新而侈舊去彼而就此也宜慮
之已熟况主吏有請所以庫成居諸役之先公特為字
二十門揭一字有倫有訓有司成誦足以為官箴云公
以本末俾某書屢辭不獲聽故書熙寧三年四月十一

日謹記

祠部集卷三十二